

佛說無量壽經卷上

曹魏天竺三藏康僧鎧譯

我聞如是ニキキテ一時佛住ニシテ王舍城耆闍崛山中ニ與
大比丘眾萬二千人俱トモニ一切大聖神通已達ス
其名曰尊者了本際尊者正願尊者正語尊
者大號尊者仁賢尊者離垢尊者名聞尊者
善實尊者具足尊者牛王尊者優樓頻伽
葉尊者伽耶迦葉尊者那提迦葉尊者摩訶

佛說無量壽經卷上

迦葉尊者舍利弗尊者大目犍連尊者劫賓
那尊者大住尊者大淨志尊者摩訶周那尊
者滿願子尊者離障尊者流灌尊者堅伏尊
者面王尊者異乘尊者仁性尊者嘉樂尊者
善來尊者羅云尊者阿難皆如斯等上首者
也
又與大乘衆菩薩俱普賢菩薩妙德菩薩慈
氏菩薩等此賢劫中一切菩薩又賢護等十

六正士善思議菩薩信慧菩薩空無菩薩神
通華菩薩光英菩薩慧上菩薩智幢菩薩寂
根菩薩願慧菩薩香象菩薩寶英菩薩中住
菩薩制行菩薩解脫菩薩皆遵普賢大士之
德具諸菩薩無量行願安住一切功德之法
遊步十方行權方便入佛法藏究竟彼岸於
無量世界現成等覺處兜率天弘宣正法捨
彼天宮降神母胎從右脇生現行七步光明

顯曜普照十方無量佛土六種震動舉聲自稱吾當於世為無上尊釋梵奉侍天人歸仰示現算計文藝射御博綜道術貫練羣籍遊於後園講武試藝現處宮中色味之間見者病歿悟世非常棄國財位入山學道服乘白馬寶冠瓔珞遺之今還捨珍妙衣而著法服鬚除鬢髮端坐樹下勤苦六年行如所應現五濁刹隨順羣生示有塵垢沐浴金流天按

樹枝得攀出池靈禽翼從往詣道場吉祥感徵表章功祚哀受施州敷佛樹下跏趺而坐奮大光明使魔知之魔率官屬而來逼試制以智力皆令降伏得微妙法成最正覺釋梵祈勸請轉法輪以佛遊步佛吼而吼扣法鼓吹法嬴執法劍建法幢震法雷曜法電樹法雨演法施常以法音覺諸世間光明普照無量佛土一切世界六種震動總攝魔界動魔

佛說無量壽經
宮殿衆魔懼怖莫不歸伏摑裂邪網消滅諸
見散諸塵勞壞諸欲塹嚴護法城開闡法門
洗濯垢汙顯明清白光融佛法宣流正化入
國分衛獲諸豐膳貯功德示福由欲宣法現
欣笑以諸法藥救療三苦顯現道意無量功
德授菩薩記成等正覺示現滅度拯濟無極
消除諸漏植衆德本具足功德微妙難量遊
諸佛國普現道教其所修行清淨無穢譬如

幻師現衆異像爲男爲女無所不變本學明
了在意所爲此諸菩薩亦復如是學一切法
貫綜縷練所住安諦靡不致化無數佛土皆
悉普現未嘗慢恣愍傷衆生如是之法一切
具足菩薩經典究暢要妙名稱普至導御十
方無量諸佛咸共護念佛所住者皆已得住
大聖所立而皆已立如來導化各能宣布爲
諸菩薩而作大師以甚深禪慧開導衆人通

諸法性達衆生相明了諸國供養諸佛化現
其身猶如電光善學無畏之網曉了幻化之
法壞裂魔網解諸纏縛超越聲聞緣覺之地
得空無相無願三昧善立方便顯示三乘於
此中下而現滅度亦無所作亦無所有不起
不滅得平等法具足成就無量總持百千三
昧諸根智慧廣普寂定深入菩薩法藏得佛
華嚴三昧宣暢演說一切經典住深定門悉

觀現在無量諸佛一念之頃無不周徧濟諸
劇難諸閑不開分別顯示真實之際得諸如
來辯才之智入衆言音開化一切超過世間
諸所有法心常諦住度世之道於一切萬物
而隨意自在爲諸庶類作不請之友荷負羣
生爲之重擔受持如來甚深法藏護佛種性
常使不絕興大悲愍衆生演慈辯授法眼杜
三趣開善門以不請之法施諸黎庶如純孝

之子愛敬父母於諸衆生視若自己一切善
本皆度彼岸悉獲諸佛無量功德智慧聖明
不可思議如是之等菩薩大士不可稱計一
時來會

爾時世尊諸根悅豫姿色清淨光顏巍巍尊
者阿難承佛聖旨即從座起偏袒右肩長跪
合掌而白佛言今日世尊諸根悅豫姿色清
淨光顏巍巍如明淨鏡影暢表裏威容顯曜

超絕無量未曾瞻觀殊妙如今唯然大聖我
心念言今日世尊住奇特法今日世雄住佛
所住今日世眼住導師行今日世英住最勝
道今日天尊行如來德去來現佛佛佛相念
得無今佛念諸佛耶何故威神光光乃爾於
是世尊告阿難曰云何阿難諸天教汝來問
佛耶自以慧見問威顏乎阿難白佛無有諸
天來教我者自以所見問斯義耳佛言善哉

阿難所問甚快發度智慧真妙辯才愍念衆生問斯慧義如來以無益大悲矜哀三界所以出與於世光闡道教欲拯羣萌惠以真實之利無量億劫難值難見猶靈瑞華時時乃出今所問者多所饒益開化一切諸夫人民阿難當知如來正覺其智難量多所導御慧見無礙無能遏絕以一食之力能住壽命億百千劫無數無量復過於此諸根悅豫不以

毀損姿色不變光顏無異所以者何如來定慧究暢無極於一切法而得自在阿難諦聽今爲汝說對曰唯然願樂欲聞

佛告阿難乃往過去久遠無量不可思議無央數劫錠光如來興出於世教化度脫無量衆生皆令得道乃取滅度次有如來名曰光遠次名月光次名栴檀香次名香山主次名須彌天冠次名須彌等曜次名月色次名正

念次名離垢次名無著次名龍夫次名夜光
 次名安明頂次名不動地次名瑠璃妙華次
 名瑠璃金色次名金藏次名燄光次名燄根
 次名地動次名月像次名日音次名解脫華
 次名莊嚴光明次名海覺神通次名水光次
 名大香次名離塵垢次名捨厭意次名寶燄
 次名妙頂次名勇立次名功德持慧次名蔽
 日月光次名日月瑠璃光次名無上瑠璃光

次名最上首次名菩提華次名月明次名日
 光次名華色王次名水月光次名除癡瞋次
 名度蓋行次名淨信次名善宿次名威神次
 名法慧次名鸞音次名師子音次名龍音次
 名處世如此諸佛皆悉已過

爾時次有佛名世自在王如來應供等正覺
 明行足善逝世間解無上士調御丈夫天人
 師佛世尊時有國王聞佛說法心懷悅豫尋

發無上正真道意棄國捐王行作沙門號曰
 法藏高才勇哲與世超異詣世自在王如來
 所稽首佛足右繞三市長跪合掌以頌讚曰
 光顏巍巍威神無極如是皎明無與等者
 日月摩尼珠光皎耀皆悉隱蔽猶若聚墨
 如來容顏超世無倫正覺大音響流十方
 戒聞精進三昧智慧威德無侶殊勝希有
 深諦善念諸佛法海窮深盡奧究其涯底

無明欲怒世尊永無人雄師子神德無量
 功勳廣大智慧深妙光明威相震動大千
 願我作佛齊聖法王過度生灰靡不解脫
 布施調意戒忍精進如是三昧智慧為上
 吾誓得佛普行此願一切恐懼為作大安
 假使有佛百千億萬無量大聖數如恆沙
 供養一切斯等諸佛不如求道堅正不卻
 譬如恆沙諸佛世界復不可計無數刹土

光明悉照，徧此諸國。如是精進，威神難量。
 今我作佛，國土第一。其衆奇妙，道場超絕。
 國如泥洹，而無等雙。我當哀愍，度脫一切。
 十方來生，心悅清淨。已到我國，快樂安穩。
 幸佛信明，是我真證。發願於彼，力精所欲。
 十方世尊，智慧無礙。常令此尊，知我心行。
 假令身止，諸苦毒中。我行精進，忍終不悔。
 佛告阿難，法藏比丘說此頌已，而白佛言：唯

然世尊我發無上正覺之心，願佛為我廣宣
 經法。我當修行，攝取佛國清淨莊嚴無量妙
 土。今我於世速成正覺，拔諸生處勤苦之本。
 佛語阿難：時世饒王佛告法藏比丘：汝所修
 行莊嚴佛土，汝自當知。比丘白佛：斯義弘深，
 非我境界。唯願世尊廣為敷演。諸佛如來淨
 土之行，我聞此已，當如說修行，成滿所願。爾
 時世自在王佛知其高明，志願深廣，即為法

藏比丘，而說經言譬如大海，一人升量，經歷劫數，尚可窮底，得其妙寶，人有至心精進求道，不止會當剋果，何願不得？於是世自在王佛，卽爲廣說二百一十億諸佛刹土，天人之善惡國土之麤妙，應其心願，悉現與之時，彼比丘聞佛所說，嚴淨國土，皆悉覩見，超發無上殊勝之願，其心寂靜，志無所著，一切世間無能及者，具足五劫，思惟攝取莊嚴佛國清

淨之行，阿難白佛，彼佛國土壽量幾何？佛言其佛壽命四十二劫，時法藏比丘攝取二百一十億諸佛妙土，清淨之行，如是修已，詣彼佛所，稽首禮足，繞佛三匝，合掌而住，白佛言：世尊，我已攝取莊嚴佛土，清淨之行，佛告比丘：汝今可說，宜知是時發起，悅可一切大衆，菩薩聞已，修行此法，緣致滿足，無量大願，比丘白佛，唯垂聽察，如我所願，當具說之。

設我得佛國有地獄餓鬼畜生者不取正覺
設我得佛國中人天壽終之後復墮惡道
者不取正覺

設我得佛國中人天不悉真金色者不取正覺

設我得佛國中人天形色不同有好醜者不取正覺

設我得佛國中人天不識宿命下至不知百

千億那由他諸劫事者不取正覺

設我得佛國中人天不得天眼下至不見百

千億那由他諸佛國者不取正覺

設我得佛國中人天不得天耳下至聞百千

億那由他諸佛所說不悉受持者不取正覺

設我得佛國中人天不得見他心智下至不

知百千億那由他諸佛國中衆生心念者不

取正覺

佛說無量壽經
設我得佛國中人天不得神足於一念頃下
至不能超過百千億那由他諸佛國者不取
正覺

設我得佛國中人天若起想念貪計身者不
取正覺

設我得佛國中人天不住定聚必至滅度者
不取正覺

設我得佛光明有能限量下至不照百千億

那由他諸佛國者不取正覺

設我得佛壽命有能限量下至百千億那由
他劫者不取正覺

設我得佛國中聲聞有能計量下至三千大
千世界聲聞緣覺於百千劫悉共計校知其
數者不取正覺

設我得佛國中人天壽命無能限量除其本
願脩短自在若不爾者不取正覺

設我得佛國中，人天乃至聞有不善名者，不取正覺。

設我得佛十方世界，無量諸佛，不悉咨嗟稱我名者，不取正覺。

設我得佛，十方衆生，至心信樂，欲生我國，乃至十念，若不生者，不取正覺。唯除五逆、誹謗正法。

設我得佛，十方衆生發菩提心，修諸功德，至

心發願，欲生我國，臨壽終時，假令不與大衆圍繞，現其人前者，不取正覺。

設我得佛，十方衆生聞我名號，係念我國，植諸德本，至心迴向，欲生我國，不果遂者，不取正覺。

設我得佛，國中，人天不悉成滿，三十二大人相者，不取正覺。

設我得佛，他方佛土，諸菩薩衆來生我國，究

竟必至一_レ生補處除其本願自在所化為衆
生故被弘誓鎧積累德本度脫一切遊諸佛
國修菩薩行供養十方諸佛如來開化恆沙
無量衆生使立無上正真之道超出常倫諸
地之行現前修習普賢之德若不爾者不取
正覺

設我得佛國中菩薩承佛神力供養諸佛一
食之頃不能徧至無數無量那由他諸佛國
者不取正覺

設我得佛國中菩薩在諸佛前現其德本諸
所欲求供養之具若不如意者不取正覺
設我得佛國中菩薩不能演說一切智者不
取正覺

設我得佛國中菩薩不得金剛那羅延身者
不取正覺

設我得佛國中人天一切萬物嚴淨光麗形

色殊特窮微極妙無能稱量其諸衆生乃至
遠得天眼有能明了辯其名數者不取正覺
設我得佛國中菩薩乃至少功德者不能知
見其道場樹無量光色高四百萬里者不取
正覺

設我得佛國中菩薩若受讀經法諷誦持說
而不得辯才智慧者不取正覺

設我得佛國中菩薩智慧辯才若可限量者
不取正覺

設我得佛國土清淨皆悉照見十方一切無
量無數不可思議諸佛世界猶如明鏡觀其
面像若不爾者不取正覺

設我得佛自地已上至于虛空宮殿樓觀池
流華樹國中所有的一切萬物皆以無量雜寶
百千種香而共合成嚴飾奇妙超諸人天其
香普薰十方世界菩薩聞者皆修佛行若不

如是者不取正覺

設我得佛十方無量不可思議諸佛世界衆生之類蒙我光明觸其身者身心柔軟超過人天若不爾者不取正覺

設我得佛十方無量不可思議諸佛世界衆生之類聞我名字不得菩薩無生法忍諸深總持者不取正覺

設我得佛十方無量不可思議諸佛世界其

有女人聞我名字歡喜信樂發菩提心厭惡女身壽終之後復為女像者不取正覺

設我得佛十方無量不可思議諸佛世界諸菩薩衆聞我名字壽終之後常修梵行至成佛道若不爾者不取正覺

設我得佛十方無量不可思議諸佛世界諸天人民聞我名字五體投地稽首作禮歡喜信樂修菩薩行諸天世人莫不致敬若不爾

者不取正覺

設我得佛國中，人天欲得衣服，隨念即至，如佛所讚，應法妙服，自然在身。若有裁縫、擣染、浣濯者，不取正覺。

設我得佛國中，人天所受快樂，不如漏盡比丘者，不取正覺。

設我得佛國中，菩薩隨意欲見十方無量嚴淨佛土，應時如願，於寶樹中皆悉照見，猶如

明鏡觀其面像，若不爾者，不取正覺。

設我得佛，他方國土，諸菩薩眾聞我名字，至于得佛，諸根關陋，不具足者，不取正覺。

設我得佛，他方國土，諸菩薩眾聞我名字，皆悉逮得清淨解脫三昧，住是三昧，一發意頃，供養無量不可思議諸佛世尊，而不失定意，若不爾者，不取正覺。

設我得佛，他方國土，諸菩薩眾聞我名字，壽

終之後生尊貴家若不爾者不取正覺

設我得佛他方國土諸菩薩眾聞我名字歡

喜踊躍修菩薩行具足德本若不爾者不取

正覺

設我得佛他方國土諸菩薩眾聞我名字皆

悉速得普等三昧住是三昧至于成佛常見

無量不可思議一切諸佛若不爾者不取正

覺

設我得佛國中菩薩隨其志願所欲聞法自

然得聞若不爾者不取正覺

設我得佛他方國土諸菩薩眾聞我名字不

即得至不退轉者不取正覺

設我得佛他方國土諸菩薩眾聞我名字不

即得至第一第二第三法忍於諸佛法不能

即得不退轉者不取正覺

佛告阿難爾時法藏比丘說此願已而說頌

曰ク我レ建テ起シ世ノ願ヲ必ズ至ラ無上道ニ斯レ願ハ不レ滿ス足セ誓ハ不レ成ス正覺
 我レ於テ無量劫ニ不レ為ス大施主ト普ク濟ス諸ノ貧苦誓ハ不レ成ス正覺
 我レ至テ成ス佛道名聲起シ十方ニ究ク竟ス摩訶所ノ聞ヲ誓ハ不レ成ス正覺
 離レ欲淨正念淨慧修梵行ヲ志ヲ求テ無上道ヲ為シ諸ノ天人師ト
 神力演ス大光普ク照ス無際土ヲ消除三垢冥ヲ廣ク濟ス眾ノ厄難
 開シ彼ノ智慧眼ヲ滅シ此ノ昏盲闇ヲ閉塞諸ノ惡道通達善趣門ヲ
 功祚成滿足ニ威曜朗十方日月載重暉ヲ天光隱不現ス

為シ眾ノ開法藏ヲ廣ク施ス功德寶ヲ常ニ於テ大眾中ニ說ス法師子吼
 供養一切佛ヲ具足眾ノ德本願慧悉成滿ヲ得シ為シ三界雄ヲ
 如佛無礙智ヲ通達靡不照ス願我功慧力ヲ等此最勝尊ヲ
 斯願若剋果ス大千應感動ス虛空諸ノ天人當雨珍妙華ヲ
 佛告阿難法藏比丘說シ此ノ頌ヲ已應時普地六
 種震動ス天雨妙華以テ散ス其上自然音樂空中
 讚言決定必成無上正覺於是法藏比丘具足
 修滿如是大願誠諦不虛超出世間深樂

寂滅阿難時彼比丘於其佛所諸夫魔梵龍
神八部大衆之中發斯弘誓建此願已一向
專志莊嚴妙土所修佛國恢廓廣大超勝獨
妙建立常然無衰無變於不可思議兆載永
劫積植菩薩無量德行不生欲覺瞋覺害覺
不起欲想瞋想害想不著色聲香味觸法忍
力成就不計衆苦少欲知足無染志癡三昧
常寂智慧無礙無有虛偽諂曲之心和顏愛

語先意承問勇猛精進志願無倦專求清白
之法以惠利羣生恭敬三寶奉事師長以大
莊嚴具足衆行令諸衆生功德成就住空無
相無願之法無作無起觀法如化遠離麤言
自害害彼彼此俱害修習善語自利利人人
我兼利棄國捐王絕去財色自行六波羅蜜
教人令行無央數劫積功累德隨其生處在
意所欲無量寶藏自然發應教化安立無數

佛說無量壽經
三十一
衆生住於無上正真之道或爲長者居士豪
姓尊貴或爲利利國君轉輪聖帝或爲六欲
天主乃至梵主常以四事供養恭敬一切諸
佛如是功德不可稱說口氣香潔如優鉢羅
華身諸毛孔出栴檀香其香普熏無量世界
容色端正相好殊妙其手常出無盡之寶衣
服飲食珍妙華香繒蓋幢幡莊嚴之具如是
等事超諸天人於一切法而得自在

阿難白佛法藏菩薩爲已成佛而取滅度爲
未成佛爲今現在佛告阿難法藏菩薩今已
成佛現在西方去此十萬億刹其佛世界名
曰安樂阿難又問其佛成道已來爲經幾時
佛言成佛已來凡歷十劫其佛國土自然七
寶金銀瑠璃珊瑚琥珀磈磈碼碯合成爲地
恢廓曠蕩不可限極悉相雜廁轉相入間光
赫焜耀微妙奇麗清淨莊嚴超踰十方一切

世界衆寶中，精其寶猶如第六天寶。又其國土無須彌山，及金剛鐵圍一切諸山，亦無大海、小海、谿、渠、井、谷。佛神力故，欲見則現，亦無地獄、餓鬼、畜生諸難之趣，亦無四時、春、秋、冬、夏不寒不熱，常和調適。爾時阿難白佛言：世尊，若彼國土無須彌山，其四天王及忉利天、依何而住？佛語阿難：第三欲天乃至色究竟天，皆依何住？阿難白佛：行業果報不可思議。

佛語阿難：行業果報不可思議。諸佛世界亦不可思議。其諸衆生功德善力住行業之地，故能爾耳。阿難白佛：我不疑此法，但爲將來衆生欲除其疑惑，故問斯義。

佛告阿難：無量壽佛威神光明最尊第一，諸佛光明所不能及。或有佛光照百佛世界，或千佛世界，取要言之，乃照東方恆沙佛刹，南西北方四維上下，亦復如是。或有佛光照于

七尺或照一由旬二三四五由旬如是轉倍
乃至照於一佛刹土是故無量壽佛號無量
光佛無邊光佛無礙光佛無對光佛燄土光
佛清淨光佛歡喜光佛智慧光佛不斷光佛
難思光佛無稱光佛超日月光佛其有衆生
遇斯光者三垢消滅身意柔軟歡喜踊躍善
心生焉若在三塗勤苦之處見此光明皆得
休息無復苦惱壽終之後皆蒙解脫無量壽

佛光明顯赫照耀十方諸佛國土莫不聞焉
不但我今稱其光明一切諸佛聲聞緣覺諸
菩薩衆咸共歎譽亦復如是若有衆生聞其
光明威神功德日夜稱說至心不斷隨意所
願得生其國爲諸菩薩聲聞大衆所共歎譽
稱其功德至其然後得佛道時普爲十方諸
佛菩薩歎其光明亦如今也佛言我說無量
壽佛光明威神巍巍殊妙晝夜一劫尚未能

盡

佛語阿難無量壽佛壽命長久不可稱計汝
寧知乎假使十方世界無量衆生皆得人身
悉令成就聲聞緣覺都共集會禪思一心竭
其智力於百千萬劫悉共推算計其壽命長
遠之數不能窮盡知其限極聲聞菩薩天人
之衆壽命長短亦復如是非算數譬喻所能
知也又聲聞菩薩其數難量不可稱說神智

洞達威力自在能於掌中持一切世界

佛語阿難彼佛初會聲聞衆數不可稱計菩
薩亦然如今大目犍連百千萬億無量無數
於阿僧祇那由他劫乃至滅度悉共計校不
能究了多少之數譬如大海深廣無量假使
有人折其下毛以爲百分以一分毛沾取一
滴於意云何其所滴水者於彼大海何所爲多
阿難白佛彼所滴水比於大海多少之量非

佛言無量壽經卷上
巧曆算數言辭譬類所能知也佛語阿難如
目連等於百千萬億那由他劫計彼初會聲
聞菩薩所知數者猶如一涕其所不知如大
海水

又其國土七寶諸樹周滿世界金樹銀樹璠
璃樹玻璃樹珊瑚樹碼碯樹砮磈樹或有二
寶三寶乃至七寶轉共合成或有金樹銀葉
華果或有銀樹金葉華果或璠璃樹玻璃為

葉華果亦然或水精樹璠璃為葉華果亦然
或珊瑚樹碼碯為葉華果亦然或碼碯樹璠
璃為葉華果亦然或砮磈樹衆寶為葉華果
亦然或有寶樹紫金為本白銀為莖璠璃為
枝木精為條珊瑚為葉碼碯為華砮磈為寶
或有寶樹白銀為本璠璃為莖水精為枝珊
瑚為條碼碯為葉砮磈為華紫金為寶或有
寶樹璠璃為本水精為莖珊瑚為枝碼碯為

條磳磳為葉紫金為華白銀為實或有寶樹
水精為本珊瑚為莖碼碯為枝磳磳為條紫
金為葉白銀為華瑠璃為實或有寶樹珊瑚
為本碼碯為莖磳磳為枝紫金為條白銀為
葉瑠璃為華水精為實或有寶樹碼碯為本
磳磳為莖紫金為枝白銀為條瑠璃為葉水
精為華珊瑚為實或有寶樹磳磳為本紫金
為莖白銀為枝瑠璃為條水精為葉珊瑚為

華碼碯為實此諸寶樹行行相值莖莖相望
枝枝相準葉葉相向華華相順實實相當榮
色光耀不可勝視清風時發出五音聲微妙
宮商自然相和

又無量壽佛其道場樹高四百萬里其本周
圍五十由旬枝葉四布二十萬里一切眾寶
自然合成以月光摩尼持海輪寶眾寶之王
而莊嚴之周布條間垂寶瓔珞百千萬色種

種果變無量光燄照耀無極珍妙寶網羅覆
其上一切莊嚴隨應而現微風徐動吹諸枝
葉演出無量妙法音聲其聲流布徧諸佛國
其聞音者得深法忍住不退轉至成佛道耳
根清徹不遭苦患目覩其色耳聞其音鼻知
其香舌嘗其味身觸其光心以法緣一切皆
得甚深法忍住不退轉至成佛道六根清徹
無諸惱患阿難若彼國人天見此樹者得三

法忍一者音響音忍二者柔順忍三者無生法
忍此皆無量壽佛威神力故本願力故滿足
願故明了願故堅固願故究竟願故佛告阿
難世間帝王有百千音樂自轉輪聖王乃至
第六天上伎樂音聲展轉相勝千億萬倍第
六天上萬種樂音不如無量壽國諸七寶樹
一種音聲千億倍也亦有自然萬種伎樂又
其樂聲無非法音清揚哀亮微妙和雅十方

世界音聲之中最為第一

又講堂精舍宮殿樓觀皆七寶莊嚴自然化

成復以真珠明月摩尼衆寶以為交露覆蓋

其上內外左右有諸浴池或十由旬或二十

三十乃至百千由旬縱廣深淺各皆一等八

功德水湛然盈滿清淨香潔味如甘露黃金

池者底白銀沙白銀池者底黃金沙水精池

者底瑠璃沙瑠璃池者底水精沙珊瑚池者

底琥珀沙琥珀池者底珊瑚沙碑磔池者底

碼碯沙碼碯池者底碑磔沙白玉池者底紫

金沙紫金池者底白玉沙或二寶三寶乃至

七寶轉共合成其池岸上有栴檀樹華葉垂

布香氣普熏天優盃羅華盃曇摩華拘物頭

華分陀利華雜色光茂彌覆水上彼諸菩薩

及聲聞衆若入寶池意欲令水没足水即没

足欲令至膝即至于膝欲令至腰水即至腰

欲令至頸水即至頸欲令灌身自然灌身欲
令還復水輒還復調和冷煖自然隨意開神
悅體蕩除心垢清明激潔淨若無形寶沙映
徹無痰不照微瀾迴流轉相灌注安詳徐逝
不遲不疾波揚無量自然妙聲隨其所應莫
不聞者或聞佛聲或聞法聲或聞僧聲或寂
靜聲空無我聲大悲聲波羅蜜聲或十力
無畏不共法聲諸通慧聲無所作聲不起滅

聲無生忍聲乃至甘露灌頂衆妙法聲如是
等聲稱其所聞歡喜無量隨順清淨離欲寂
滅真實之義隨順三寶力無所畏不共之法
隨順通慧菩薩聲聞所行之道無有三塗苦
難之名但有自然快樂之音是故其國名曰
安樂

阿難彼佛國土諸往生者具足如是清淨色
身諸妙音聲神通功德所處宮殿衣服飲食

衆妙華香莊嚴之具猶第六天自然之物若
欲食時七寶盃器自然在前金銀瑠璃碑磔
碼碯珊瑚琥珀明月真珠如是諸盃隨意而
至百味飲食自然盈滿雖有此食實無食者
但見色聞香意以為食自然飽足身心柔軟
無所味著事已化去時至復現彼佛國土清
淨安穩微妙快樂次於無為泥洹之道其諸
聲聞菩薩天人智慧高明神通洞達咸同一

類形無異狀但因順餘方故有天人之名顏
貌端正超世希有容色微妙非天非人皆受
自然虛無之身無極之體

佛告阿難譬如世間貧窮乞人在帝王邊形
貌容狀寧可類乎阿難白佛假令此人在帝
王邊羸陋醜惡無以為喻百千萬億不可計
倍所以然者貧窮乞人底極廝下衣不蔽形
食趣支命飢寒困苦人理殆盡皆坐前世不

植德本積財不施富有益慳但欲唐得貪求
 無厭不肯修善犯惡山積如是壽終財寶消
 散苦身聚積為之憂惱於已無益徒為他有
 無善可怙無德可恃是故死墮惡趣受此長
 苦罪畢得出生為下賤愚鄙所極示向人類
 所以世間帝主人中獨尊皆由宿世積德所
 致慈惠博施仁愛兼濟履信修善無所違諍
 是以壽終福應得昇善道上生天上享茲福

樂積善餘慶今得為人適生王家自然尊貴
 儀容端正眾所敬事妙衣珍饈隨心服御宿
 福所追故能致此

佛告阿難汝言是也假如帝王雖人中尊貴
 形色端正比之轉輪聖王甚為鄙陋猶彼乞
 人在帝王邊也轉輪聖王威相殊妙天下第
 一比之忉利天王又復醜惡不得相喻萬億
 倍也假令天帝比第六天王百千億倍不相

類也設第六天主比無量壽佛國菩薩聲聞
光顏容色不相及逮百千萬億不可計倍

佛告阿難無量壽國其諸天人衣服飲食華

香瓔珞繒蓋幢幡微妙音聲所居舍宅宮殿

樓閣稱其形色高下大小或一寶二寶乃至

無量眾寶隨意所欲應念即至又以眾寶妙

衣徧布其地一切天人踐之而行無量寶網

彌覆佛土皆以金縷真珠百千雜寶奇妙珍

異莊嚴校飾周匝四面垂以寶鈴光色晃耀

盡極嚴麗自然德風徐起微動其風調和不

寒不暑溫涼柔軟不遲不疾吹諸羅網及眾

寶樹演發無量微妙法音流布萬種溫雅德

香其有聞者塵勞垢習自然不起風觸其身

皆得快樂譬如比丘得滅盡三昧

又風吹散華徧滿佛土隨色次第而不雜亂

柔軟光澤馨香芬烈足履其上陷下四寸隨

舉足已還復如故華用已訖地輒開裂以次
 化沒清淨無遺隨其時節風吹散華如是六
 返又眾寶蓮華周滿世界一一寶華百千億
 葉其華光明無量種色青色青光白色白光
 玄黃朱紫光色亦然晞晞燦燦明曜日月一
 一華中出三十六百千億光一一光中出三
 十六百千億佛身色紫金相好殊特一一諸
 佛又放百千光明普為十方說微妙法如是

諸佛各各安立無量眾生於佛正道

佛說無量壽經卷上

佛說無量壽經卷下

曹魏天竺三藏康僧鎰譯

佛告阿難其有眾生彼國者皆悉住於正
 定之聚所以者何彼佛國中無諸邪聚及不
 定聚十方恆沙諸佛如來皆共讚歎無量壽
 佛威神功德不可思議諸有眾生聞其名號
 信心歡喜乃至一念至心迴向願生彼國即
 得往生住不退轉唯除五逆誹謗正法

佛告阿難十方世界諸天人其有至心願
生彼國凡有三輩其上輩者捨家棄欲而作
沙門發菩提心一向專念無量壽佛修諸功
德願生彼國此等衆生臨壽終時無量壽佛
與諸大衆現其人前即隨彼佛往生其國便
於七寶華中自然化生住不退轉智慧勇猛
神通自在是故阿難其有衆生欲於今世見
無量壽佛應發無上菩提之心修行功德願

生彼國

佛語阿難其中輩者十方世界諸天人其
有至心願生彼國雖不能行作沙門大修功
德當發無上菩提之心一向專念無量壽佛
多少修善奉持齋戒起立塔像飯食沙門懸
繒然燈散華燒香以此迴向願生彼國其人
臨終無量壽佛化現其身光明相好具如真
佛與諸大衆現其人前即隨化佛往生其國

佛說無量壽經卷下

住不退轉功德智慧次如上輩者也

佛告阿難其下輩者十方世界諸天人其

有至心欲生彼國假使不能作諸功德當發

無上菩提之心一向專意乃至十念念無量

壽佛願生其國若聞深法歡喜信樂不生疑

惑乃至一念念於彼佛以至誠心願生其國

此人臨終夢見彼佛亦得往生功德智慧次

如中輩者也

佛告阿難無量壽佛威神無極十方世界無

量無邊不可思議諸佛如來莫不稱歎於彼

東方恆沙佛國無量無數諸菩薩眾皆悉往

詣無量壽佛所恭敬供養及諸菩薩聲聞大

眾聽受經法宣布道化南西北方四維上下

亦復如是爾時世尊而說頌曰

東方諸佛國其數如恆沙彼土菩薩眾

南西北四維上下亦復然彼土菩薩眾

一切諸菩薩 各齋天妙華 寶香無價衣 供養無量覺
咸然奏天樂 暢發和雅音 歌歎最勝尊 供養無量覺
究達神通慧 遊入深法門 具足功德藏 妙智無等倫
慧日照世間 消除生死雲 恭敬繞三市 稽首無上尊
見彼嚴淨土 微妙難思議 因發無上心 願我國亦然
應時無量尊 動容發欣笑 口出無數光 徧照十方國
迴光圍繞身 三市從頂入 一切天人眾 踊躍皆歡喜
太士觀世音 整服稽首問 白佛何緣笑 唯然願說意

梵聲猶雷震 八音暢妙響 當授菩薩記 今說仁諦聽
十方來正士 吾悉知彼願 志求嚴淨土 受決當作佛
覺了一切法 猶如夢幻響 滿足諸妙願 必成如是利
知法如電影 究竟甚菩薩 具諸功德本 受決當作佛
通達諸法性 一切空無我 專求淨佛土 必成如是利
諸佛告菩薩 令觀安養佛 聞法樂受行 疾得清淨處
至彼嚴淨國 便速得神通 必於無量尊 受記成等覺
其佛本願力 聞名欲往生 皆悉到彼國 自致不退轉

佛說無量壽經下

一切諸菩薩 各齎天妙華 寶香無價衣 供養無量覺
咸然奏天樂 暢發和雅音 歌歎最勝尊 供養無量覺
究達神通慧 遊入深法門 具足功德藏 妙智無等倫
慧日照世間 消除生死雲 恭敬繞三市 稽首無上尊
見彼嚴淨土 微妙難思議 因發無上心 願我國亦然
應時無量尊 動容發欣笑 口出無數光 徧照十方國
迴光圍繞身 三市從頂入 一切天人眾 踊躍皆歡喜
大士觀世音 整服稽首問 白佛何緣笑 唯然願說意

梵聲猶雷震 八音暢妙響 當授菩薩記 今說仁諦聽
十方來正士 吾悉知彼願 志求嚴淨土 受決當作佛
覺了一切法 猶如夢幻響 滿足諸妙願 必成如是利
知法如電影 究竟菩薩道 具諸功德本 受決當作佛
通達諸法性 一切空無我 專求淨佛土 必成如是利
諸佛告菩薩 令觀安養佛 聞法樂受行 疾得清淨處
至彼嚴淨國 便速得神通 必於無量尊 受記成等覺
其佛本願力 聞名欲往生 皆悉到彼國 自致不退轉

佛說無量壽經下

四

菩薩與至願 願已國無異 普念度一切名顯達十方
奉事億如來 飛化徧諸刹 恭敬歡喜去還到安養國
若人無善本 不得聞此經 清淨有戒者 乃獲聞正法
曾更見世尊 則能信此事 謙敬聞奉行 踊躍大歡喜
憍慢弊懈怠 難以信此法 宿世見諸佛 樂聽如是教
聲聞或菩薩 莫能究聖心 譬如從生盲 欲行開導人
如來智慧海 深廣無涯底 一乘非所測 唯佛獨明了
假使一切人 具足皆得道 淨慧知本空 億劫思佛智

窮力極講說 盡壽猶不知 佛慧無邊際 如是致清淨
壽命甚難得 佛世亦難值 人有信慧難 若聞精進求
聞法能不忘 見敬得大慶 則我善親友 是故當發意
設滿世界火 必過要聞法 會當成佛道 廣濟生死流
佛告阿難 彼國菩薩 皆當究竟 一生補處 除
其本願 為衆生故 以弘誓功德 而自莊嚴 普
欲度脫 一切衆生 阿難 彼佛國中 諸聲聞衆
身光一尋 菩薩光明 照百由旬 有二菩薩 最

佛說無量壽經下

五

尊第一威神光明普照三千大千世界阿難
 白佛彼二菩薩其號云何佛言一名觀世音
 二名大勢至是二菩薩於此國土修菩薩行
 命終轉化生彼佛國阿難其有眾生生彼國
 者皆悉具足三十二相智慧成滿深入諸法
 究暢要妙神通無礙諸根明利其鈍根者成
 就二忍其利根者得不可計無生法忍又彼
 菩薩乃至成佛不更惡趣神通自在常識宿

命除生他方五濁惡世示現同彼如我國也
 佛告阿難彼國菩薩承佛威神一食之頃往
 詣十方無量世界恭敬供養諸佛世尊隨心
 所念華香伎樂繒蓋幢幡無數無量供養之
 具自然化生應念即至珍妙殊特非世所有
 輒以奉散諸佛菩薩聲聞大衆在虛空中化
 成華蓋光色曼爍香氣普熏其華周圍四百
 里者如是轉倍乃覆三千大千世界隨其前

後以次化沒其諸菩薩念然欣悅於虛空中
 共奏天樂以微妙音歌歎佛德聽受經法歡
 喜無量供養佛已未食之前忽然輕舉還其
 本國

佛語阿難無量壽佛為諸聲聞菩薩大衆
 宣法時都悉集會七寶講堂廣宣道教演暢
 妙法莫不歡喜心解得道即時四方自然風
 起普吹寶樹出五音聲雨無量妙華隨風周

徧自然供養如是不絕一切諸夫皆齋天上
 百千華香萬種伎樂供養其佛及諸菩薩聲
 聞大衆普散華香奏諸音樂前後來往更相
 開避當斯之時熙怡快樂不可勝言
 佛語阿難生彼佛國諸菩薩等所可講說常
 宣正法隨順智慧無違無失於其國土所有
 萬物無我所心無染著心去來進止情無所
 係隨意自在無所適莫無彼無我無競無訟

於諸衆生得大慈悲饒益之心柔輒調伏無
忿恨心離蓋清淨無厭怠心等心勝心波心
定心愛法樂法喜法之心滅諸煩惱離惡趣
心究竟一切菩薩所行具足成就無量功德
得波禪定諸通明慧遊志七覺修心佛法肉
眼清徹靡不分了天眼通達無量無限法眼
觀察究竟諸道慧眼見真能度彼岸佛眼具
足覺了法性以無礙智爲人演說等觀三界
空無所有志求佛法具諸辯才除滅衆生煩
惱之患從如來生解法如如善知習滅音聲
方便不欣世語樂在正論修諸善本志崇佛
道知一切法皆悉寂滅生身煩惱二餘俱盡
聞甚深法心不疑懼常能修行其大悲者深
遠微妙靡不覆載究竟一乘至于彼岸決斷
疑網慧由心出於佛教法該羅無外智慧如
木海三昧如山王慧光明淨超踰日月清白

之法具足圓滿猶如雪山照諸功德等一淨
故猶如大地淨穢好惡無異心故猶如淨水
洗除塵勞諸垢染故猶如火王燒滅一切煩
惱薪故猶如大風行諸世界無障礙故猶如
虛空於一切有無所著故猶如蓮華於諸世
間無汙染故猶如大乘運載羣萌出生死故
猶如重雲震大法雷覺未覺故猶如大雨雨
甘露法潤眾生故如金剛山眾魔外道不能

動故如梵天王於諸善法最上首故如尼拘
類樹普覆一切故如優曇盞華希有難遇故
如金翅鳥威伏外道故如眾遊禽無所藏積
故猶如牛王無能勝故猶如象王善調伏故
如師子王無所畏故曠若虛空大慈等故摧
滅嫉心不忌勝故專樂求法心無厭足常欲
廣說志無疲倦擊法鼓建法幢曜慧日除癡
闇修六和敬常行法施志勇精進心不退弱

為世燈明最勝福田常為導師等無憎愛唯
樂正道無餘欣戚拔諸欲刺以安羣生功慧
殊勝莫不尊敬滅三垢障遊諸神通因力緣
力意力願力方便之力常力善力定力慧力
多聞之力施戒忍辱精進禪定智慧之力正
念正觀諸通明力如法調伏諸眾生力如是
等力一切具足身色相好功德辯才具足莊
嚴無與等者恭敬供養無量諸佛常為諸佛

所共稱歎究竟菩薩諸波羅蜜修空無相無
願三昧不生不滅諸三昧門遠離聲聞緣覺
之地阿難彼諸菩薩成就如是無量功德我
但為汝略說之耳若廣說者百千萬劫不能
窮盡

佛告彌勒菩薩諸天人等無量壽國聲聞菩
薩功德智慧不可稱說又其國土微妙安樂
清淨若此何不力為善念道之自然著於無

上下洞達無邊際ノオキコト宜各勤精進努力自求之ヨロクヲク
 必得超絕カキス去往ソサレ生安養國セヨ橫截五惡趣ニヨコサニキリ惡趣ナシヒトソノクニ
 自然閉昇道無窮極ニナレ易往而無人其國不逆ヤスクキ
 違自然之所牽トヨカヒクナソサレ何不棄世事勤行求道德可メト
 獲極長生壽樂無有極ルズトキ然世人薄俗共諍不トモニ
 急之事於此劇惡極苦之中勤身營務以自ナカニ
 給濟無尊無卑無貧無富少長男女共憂錢トモニ
 財有無同然憂思適等屏營愁苦累念積慮ノオチオモラフニオモカ

為心走使無有安時有田憂田有宅憂宅牛タメニ
 馬六畜奴婢錢財衣食什物復其憂之重思ハセツカチナシ
 累息憂念愁怖橫為非常水火盜賊怨家債タスニイキ
 主焚漂劫奪消散磨滅憂毒怙怙無有解時セシ
 結憤心中不離憂惱心堅意固適無縱捨或カク
 坐摧碎身亡命終棄捐之去莫誰隨者尊貴ツミビテ
 豪富亦有斯患憂懼萬端勤苦若此結眾寒モトク
 熱與痛共居貧窮下劣困之常無無田亦憂ラト

欲有田無宅亦憂欲有宅無牛馬六畜奴婢
 錢財衣食什物亦憂欲有之適有一復少一
 有是少是思有齊等適欲具有便復糜散如
 是憂苦當復求索不能時得思想無益身心
 俱勞坐起不安憂念相隨勤苦若此亦結眾
 寒熱與痛共居或時坐之終身天命不肯為
 善行道進德壽終身死當獨遠去有所趣向
 善惡之道莫能知者世間人民父子兄弟夫

婦家室中外親屬當相敬愛無相憎嫉有無
 相通無得貪惜言色常和莫相違戾或時心
 諍有所恚怒今世恨意微相憎嫉後世轉劇
 至成大怨所以者何世間之事更相患害雖
 不即時應急相破然含毒畜怒結憤精神自
 然剋識不得相離皆當對生更相報復人在
 世間愛欲之中獨生獨死獨去獨來當行至
 趣苦樂之地身自當之無有代者善惡變化

殃福異處宿豫嚴待當獨趣入遠到他所莫
能見者善惡自然追行所生窈窈冥冥別離
久長道路不同會見無期甚難甚難復得相
值何不棄眾事各曼強健時努力勤修善精
進願度世可得極長生如何不求道安所須
待欲何樂哉如是世人不信作善得善為道
得道不信入死更生惠施得福善惡之事都
不信之謂之不然終無有是但坐此故且自

見之更相瞻視先後同然轉相承受父餘教
今先人祖父素不為善不識道德身愚神闇
心塞意閉死生之趣善惡之道自不能見無
有語者吉凶禍福競各作之無一怪也生死
常道轉相嗣立或父哭子或子哭父兄弟夫
婦更相哭泣顛倒上下無常根本皆當過去
不可常保教語開導信之者少是以生死流
轉無有休止如此之人矇冥抵突不信經法

心無遠慮各欲快意癡惑於愛欲不達於道
 德迷沒於瞋怒貪狼於財色坐之不得道當
 夏惡趣苦生處無窮已哀哉甚可傷或時宰
 家父子兄弟夫婦一死一生更相哀愍恩愛
 思慕憂念結縛心意痛著迭相顧戀窮日卒
 歲無有解已教語道德心不開明思想思好
 不離情欲昏矇閉塞愚惑所覆不能浚思熟
 計心自端正專精行道決斷世事便旋至竟

年壽終盡不能得道無可奈何總獲憤擾皆
 貪愛欲惑道者眾悟之者寡世間恩恩無可
 慘賴尊卑上下貧富貴賤勤苦恩務各懷殺
 毒惡氣窳冥為妄興事違逆天地不從人心
 自然非惡先隨與之恣聽所為待其罪極其
 壽未盡便頓奪之下入惡道累世勤苦展轉
 其中數千億劫無有出期痛不可言甚可哀
 愍

佛告彌勒菩薩諸天人等我今語汝世間之
 事人用是故坐不得道當熟思計遠離眾惡
 擇其善者勤而行之愛欲榮華不可常保皆
 當別離無可樂者曼佛在世當勤精進其有
 至心願生安樂國者可得智慧明達功德殊
 勝勿得隨心所欲虧負經戒在人後也儻有
 疑意不解經者可具問佛當為說之彌勒菩
 薩長跪白言佛威神尊重所說快善聽佛經

語貫心思之世人實爾如佛所言今佛慈愍
 顯示大道耳目開明長得度脫聞佛所說莫
 不歡喜諸夫人民蠕動之類皆蒙慈恩解脫
 憂苦佛語教誡甚深甚善智慧明見八方上
 下去來今事莫不究暢今我眾等所以蒙得
 度脫皆佛前世求道之時謙苦所致恩德普
 覆福祿巍巍光明徹照達空無極開入泥洹
 教授典攬威制消化感動十方無窮無極佛

為法主尊超眾聖普為一切天人之師隨心
 所願皆令得道今得值佛復聞無量壽佛聲
 靡不歡喜心得開明
 佛告彌勒菩薩汝言是也若有慈敬於佛者
 實為大善天下久久乃復有佛今我於此世
 作佛演說經法宣布道教斷諸疑網拔愛欲
 之本杜眾惡之源遊步三界無所拘礙典攬
 智慧眾道之要執持綱維照然分明開示五

趣度未度者決正生死泥洹之道彌勒當知
 汝從無數劫來修菩薩行欲度眾生其已久
 遠從汝得道至于泥洹不可稱數汝及十方
 諸天人民一切四眾永劫已來展轉五道憂
 畏勤苦不可具言乃至今世生死不絕與佛
 相值聽受經法又復得聞無量壽佛快哉甚
 善吾助爾喜汝今亦可自厭生死老病痛苦
 惡露不淨無可樂者宜自決斷端身正行益

佛說金剛經卷下

作諸善修已潔體洗除心垢言行忠信表裏
 相應人能自度轉相拯濟精明求願積累善
 本雖一世勤苦須臾之間後生無量壽佛國
 快樂無極長與道德合明永拔生死根本無
 復貪恚愚癡苦惱之患欲壽一劫百劫千萬
 億劫自在隨意皆可得之無為自然次於泥
 洹之道汝等宜各精進求心所願無得疑惑
 中悔自為過咎生彼邊地七寶宮殿五百歲

中受諸厄也彌勒白佛言受佛重誨專精修
 學如教奉行不取有疑

佛告彌勒汝等能於此世端心正意不作衆
 惡甚為至德十方世界最無倫匹所以者何

諸佛國土天人之類自然作善不大為惡易
 可開化今我於此世間作佛處於五惡五痛

五燒之中為最劇苦教化羣生今捨五惡今
 去五痛今離五燒降化其意今持五善獲其

福德度世長壽泥洹之道佛言何等五惡何
等五痛何等五燒何等消化五惡今持五善
獲其福德度世長壽泥洹之道

佛言其一惡者諸天人人民蠕動之類欲為衆
惡莫不皆然強者伏弱轉相剋賊殘害殺戮
迭相吞噬不知修善惡逆無道後受殃罰自
然趣向神明記識犯者不赦故有貧窮下賤
乞匄孤獨聾盲瘖瘂愚癡弊惡至有狂不

逮之屬又有尊貴豪富高才明達皆由宿世
慈孝修善積德所致世有常道王法牢獄不
肯畏慎為惡入罪受其殃罰求望解脫難得
免出世間有此目前見事壽終後世尤濇尤
劇入其幽冥轉生受身譬如王法痛苦極刑
故有自然三塗無量苦惱轉賈其身改形易
道所受壽命或長或短魂神精識自然趣之
當獨值向相從共生更相報復無有絕已殃

惡未盡不得相離展轉其中無有出期難得
 解脫痛不可言天地之間自然有是雖不即
 時卒暴應至善惡之道會當歸之是為一太
 惡一痛一燒勤苦如是譬如大火焚燒人身
 人能於中一心制意端身正行獨作諸善不
 為眾惡者身獨度脫獲其福德度世上天泥
 洹之道是為一大善也

佛言其二惡者世間人民父子兄弟室家夫
 婦都無義理不順法度奢淫憍縱各欲快意
 任心自恣更相欺惑心口各異言念無實佞
 諂不忠巧言諛媚嫉賢誦善陷入怨柱主上
 不明任用臣下臣下自在機偽多端踐度能
 行知其形勢在位不正為其所欺妄損忠良
 不當天心臣欺其君子欺其父兄弟夫婦中
 外知識更相欺誑各懷貪欲瞋恚愚癡欲自
 厚已欲貪多有尊卑上下心俱同然破家亡

身不顧前後親屬內外坐之而滅或時室家
 知識鄉黨市里愚民野人轉共從事更相利
 害忿成怨結富有慳惜不肯施與愛寶貪重
 心勞身苦如是至竟無所恃怙獨來獨去無
 一隨者善惡禍福追命所生或在樂處或入
 苦毒然後乃悔當復何及世間人民心愚少
 智見善憎謗不思慕及但欲為惡妄作非法
 常懷盜心希望他利消散糜盡而復求索邪

心不正懼人有色不豫思計事至乃悔今世
 現有王法牢獄隨罪趣向受其殃罰因其前
 世不信道德不修善本今復為惡天神剋識
 別其名籍壽終神逝下入惡道故有自然三
 塗無量苦惱展轉其中世世累劫無有出期
 難得解脫痛不可言是為二大惡二痛二燒
 勤苦如是譬如大火焚燒人身人能於中一
 心制意端身正行獨作諸善不為眾惡者身

佛說金剛經疏

十一

獨度脫獲其福德度世上天泥洹之道是為
二大善也

佛言其三惡者世間人民相因寄生共居天
地之間處年壽命無能幾何上有賢明長者
尊貴豪富下有貧窮廝賤尪劣愚夫中有不
善之人常懷邪惡但念姪姪煩滿智中愛欲
交亂坐起不安貪意守惜但欲唐得眴眴細
色邪態外逸自妻厭憎私妄入出費損家財

事為非法交結聚會與師相伐攻劫殺戮強
奪不道惡心在外不自修業盜竊趣得欲繫
成事恐熱迫懼歸給妻子恣心快意極身作
樂或於親屬不避尊卑家室中外患而苦之
亦復不畏王法禁令如是之惡著於人鬼日
月照見神明記識故有自然三塗無量苦惱
展轉其中世世累劫無有出期難得解脫痛
不可言是為三大惡三痛三燒勤苦如是譬

如大火焚燒人身人能於中一心制意端身
 正行獨作諸善不為眾惡者身獨度脫獲其
 福德度世上天泥洹之道是為三大善也
 佛言其四惡者世間人民不念修善轉相教
 令共為眾惡兩舌惡口妄言綺語讒賊鬪亂
 憎嫉善人敗壞賢明於徧快喜不孝一親輕
 慢師長朋友無信難得誠實尊貴自大謂己
 有道橫行威勢侵易於人不能自知為惡無

恥自以強健欲入敬難不畏天地神明日月
 不肯作善難可降化自用偃僂謂可常爾無
 所憂懼常懷憍慢如是眾惡天神記識賴其
 前世頗作福德小善扶接營護助之今世為
 惡福德盡滅諸善鬼神各共離之身獨空立
 無所復依壽命終盡諸惡所歸自然迫促共
 趣頓之又其名籍記在神明殃咎牽引當往
 趣向罪報自然無從捨離但得前行入於火

鑊身心摧碎精神痛苦當斯之時悔復何及
 天道自然不得蹉跌故有自然三塗無量苦
 惱展轉其中世世累劫無有出期難得解脫
 痛不可言是為四大惡四痛四燒勤苦如是
 譬如大火焚燒人身人能於中一心制意端
 身正行獨作諸善不為眾惡者身獨度脫獲
 其福德度世上天泥洹之道是為四大善也
 佛言其五惡者世間人民徒倚懈惰不肯作

善治身修業家室眷屬飢寒困苦父母教誨
 瞋目怒鷹言令不和違戾反逆譬如怨家不
 如無子取與無節眾共患厭負恩違義無有
 報償之心貧窮困乏不能復得辜較縱奪放
 恣遊散串數唐得用自賑給耽酒嗜美飲食
 無度肆心蕩逸魯扈狃突不識人情強欲抑
 制見人有善憎嫉惡之無義無禮無所顧難
 自用職當不可諫曉六親眷屬所資有無不

佛說金剛經疏

三十一

能憂念不惟父母之恩不存師友之義心常
 念惡口常言惡身常行惡曾無一善不信先
 聖諸佛經法不信行道可得度世不信死後
 神明更生不信作善得善為惡得惡欲殺真
 人鬪亂眾僧欲害父母兄弟眷屬六親憎惡
 願令其死如是世人心意俱然愚癡矇昧而
 自以智慧不知生所從來死所趣向不仁不
 順惡逆天地而於其中希望僥倖欲求長生

會當歸死慈心教誨令其念善開示生死善
 惡之趣自然有是而不肯信之苦心與語無
 益其人心中心閉塞意不開解太命將終悔懼
 交至不豫修善臨窮方悔悔之於後將何及
 乎天地之間五道分明恢廓窈窕浩浩茫茫
 善惡報應禍福相承身自當之無誰代者數
 之自然應其所行殃咎追命無得縱捨善人
 行善從樂入樂從明入明惡人行惡從苦入

苦從冥入冥誰能知者獨佛知耳教語開示
 信用者少生死不休惡道不絕如是世人難
 可具盡故有自然三塗無量苦惱展轉其中
 世世界劫無有出期難得解脫痛不可言是
 為五大惡五痛五燒勤苦如是譬如火焚
 燒人身人能於中一心制意端身正念言行
 相副所作至誠所語如語心口不轉獨作諸
 善不為眾惡者身獨度脫獲其福德度世上

天泥洹之道是為五大善也
 佛告彌勒吾語汝等是世五惡勤苦若此五
 痛五燒展轉相生但作眾惡不修善本皆悉
 自然入諸惡趣或其今世先被殃病求死不
 得求生不得罪惡所招示眾見之身死隨行
 入三惡道苦毒無量自相焦然至其久後其
 作怨結從小微起遂成大惡皆由貪著財色
 不能施惠癡欲所迫隨心思想煩惱結縛無

有解已厚已諍利無所省錄富貴榮華當時
快意不能忍辱不務修善威勢無幾隨以磨
滅身坐勞苦久後太劇天道施張自然糺舉
網紀羅網上下相應榮榮必當入其中古
今有是痛哉可傷佛語彌勒世間如是佛皆
哀之以威神力摧滅眾惡悉令就善棄捐所
思奉持經戒受行道法無所違失終得度世
泥洹之道佛言汝今諸夫人民及後世人得

佛經語當熟思之能於其中端心正行主上
為善率化其下轉相勅令各自端守尊聖敬
善仁慈博愛佛語教誨無敢虧負當求度世
拔斷生死眾惡之本當離三塗無量憂良苦
痛之道汝等於是廣植德本布施惠勿犯
道禁忍辱精進一心智慧轉相教化為德立
善正心正意齋戒清淨一日一夜勝在無量
壽國為善百歲所以者何彼佛國土無為自

然皆積眾善無毛髮之惡於此修善十日十
夜勝於他方諸佛國王為善千歲所以者何
他方佛國為善者多為惡者少福德自然無
造惡之地唯此間多惡無有自然勤苦求欲
轉相欺給心勞形困飲苦食毒如是恩務未
嘗寧息吾哀汝等天人之類苦心誨喻教令
修善隨器開導授與經法莫不承用在意所
願皆令得道佛所遊履國邑丘聚靡不蒙化

天下和順日月清明風雨以時災厲不起國
豐民安兵戈無用崇德興仁務修禮讓佛言
我哀愍汝等諸夫人民甚於父母念子今我
於此世間作佛降化五惡消除五痛絕滅五
燒以善攻惡拔生死之苦令獲五德昇無為
之安吾去世後經道漸滅人民諂偽復為眾
惡五痛五燒還如前法久後轉劇不可悉說
我但為汝略言之耳佛語彌執汝等各善思

之轉相教誡如佛經法無得犯也於是彌勒
菩薩合掌白言佛所說甚苦世人實爾如來
普慈哀愍悉令度脫受佛重誨不敢違失
佛告阿難汝起更整衣服合掌恭敬禮無量
壽佛十方國土諸佛如來常共稱揚讚歎彼
佛無著無礙於是阿難起整衣服正身西面
恭敬合掌五體投地禮無量壽佛白言世尊
願見彼佛安樂國土及諸菩薩聲聞大眾說

是語已卽時無量壽佛放大光明普照一切
諸佛世界金剛圍山須彌山主大小諸山下
切所有皆同一色譬如劫水彌滿世界其中
萬物沈沒不現混漾浩汗唯見大水彼佛光
明亦復如是聲聞菩薩一切光明皆悉隱蔽
唯見佛光明曜顯赫爾時阿難卽見無量壽
佛威德巍巍如須彌山王高出一切諸世界
上相好光明靡不照曜此會四衆一時悉見

彼見此土亦復如是

爾時佛告阿難及慈氏菩薩汝見彼國從地

己上至淨居天其中所有微妙嚴淨自然之

物為悉見不阿難對曰唯然已見汝寧復聞

無量壽佛大音宣布一切世界化眾生不阿

難對曰唯然已聞彼國人民乘百千申旬七

寶宮殿無有障礙徧至十方供養諸佛汝復

見不對曰已見彼國人民有胎生者汝復見

不對曰已見其胎生者所處宮殿或百申旬

或五百申旬各於其中受諸快樂如初利天

上亦皆自然

爾時慈氏菩薩白佛言世尊何因何緣彼國

人民胎生化生佛告慈氏若有眾生以疑惑

心修諸功德願生彼國不了佛智不思議智

不可稱智大乘廣智無等無倫最上勝智於

此諸智疑惑不信然猶信罪福修習善本願

佛說無量壽經下

卷下

生其國此諸衆生彼宮殿壽五百歲常不見佛不聞經法不見菩薩聲聞聖衆是故於彼國土謂之胎生若有衆生明信佛智乃至勝智作諸功德信心迴向此諸衆生於七寶華中自然化生跏趺而坐須臾之頃身相光明智慧功德如諸菩薩具足成就

復次慈氏佉方佛國諸大菩薩發心欲見無量壽佛恭敬供養及諸菩薩聲聞之衆彼菩薩等命終得生無量壽國於七寶華中自然化生彌勒當知彼化生者智慧勝故其胎生者皆無智慧於五百歲中常不見佛不聞經法不見菩薩諸聲聞衆無由供養於佛不知菩薩法式不得修習功德當知此人宿世之時無有智慧疑惑所致

佛告彌勒譬如轉輪聖王別有七寶宮室種種莊嚴張設牀帳懸諸繒幡若有諸小王子

得罪於王輒內彼宮中繫以金鎖供給飲食衣服牀褥華香妓樂如轉輪王無所乏少於意云何此諸王子寧樂彼處不對曰不也但種種方便求諸大力欲自免出佛告彌勒此諸衆生亦復如是疑惑佛智故生彼宮殿無有刑罰乃至一念惡事但於五百歲中不見三寶不得供養修諸善本以此爲苦雖有餘樂猶不樂彼處若此衆生識其本罪浚自悔責求離彼處卽得如意往詣無量壽佛所恭敬供養亦得徧至無量無數諸餘佛所修諸功德彌勒當知其有菩薩生疑惑者爲失大利是故應當明信諸佛無上智慧

彌勒菩薩白佛言世尊於此世界有幾所不退菩薩生彼佛國佛告彌勒於此世界有六十七億不退菩薩往生彼國一一菩薩已曾供養無數諸佛次如彌勒者也諸小行菩薩

及修習少功德者不可稱計皆當往生佛告
彌勒不但我刹諸菩薩等往生彼國他方佛
土亦復如是其第一佛名曰遠照彼有百八
十億菩薩皆當往生其第二佛名曰寶藏彼
有九十億菩薩皆當往生其第三佛名曰無
量音彼有二百二十億菩薩皆當往生其第
四佛名曰甘露味彼有二百五十億菩薩皆
當往生其第五佛名曰龍勝彼有十四億菩
薩皆當往生其第六佛名曰勝力彼有萬四
千菩薩皆當往生其第七佛名曰師子彼有
五百億菩薩皆當往生其第八佛名曰離垢
光彼有八十億菩薩皆當往生其第九佛名
曰德首彼有六十億菩薩皆當往生其第十
佛名曰妙德山彼有六十億菩薩皆當往生
其第十一佛名曰人王彼有十億菩薩皆當
往生其第十二佛名曰無上華彼有無數不

可稱計諸菩薩衆皆不退轉智慧勇猛已曾
供養無量諸佛於七日中即能攝取百千億
劫大士所修堅固之法斯等菩薩皆當往生
其第十三佛名曰無畏彼有七百九十億大
菩薩衆諸小菩薩及比丘等不可稱計皆當
往生佛語彌勒不但此十四佛國中諸菩薩
等當往生也十方世界無量佛國其往生者
亦復如是甚多無數我但說十方諸佛名號

及菩薩比丘生彼國者晝夜一劫尚未能竟
我今爲汝略說之耳

佛語彌勒其有得聞彼佛名號歡喜踊躍乃
至一念當知此人爲得大利則是具足無上
功德是故彌勒設有大火充滿三千大千世
界要當過此聞是經法歡喜信樂受持讀誦
如說修行所以者何多有菩薩欲聞此經而
不能得若有衆生聞此經者於無上道終不

佛說無量壽經卷第六

退轉是故應當專心信受持誦說行佛言吾
 今為諸眾生說此經法今見無量壽佛及其
 國土一切所有當為者皆可求之無得以
 我滅度之後復生疑惑當來之世經道滅盡
 我以慈悲哀愍特留此經止住百歲其有眾
 生值斯經者隨意所願皆可得度佛語彌勒
 如來與世難值難見諸佛經道難得難聞菩
 薩勝法諸波羅蜜得聞亦難遇善知識聞法

能行此亦為難若聞斯經信樂受持難中之
 難無過此難是故我法如是作如是說如是
 教應當信順如法修行
 爾時世尊說此經法無量眾生皆發無上正
 覺之心萬二千那由他人得清淨法眼二十
 二億諸夫人得阿那含果八十萬比丘漏
 盡意解四十億菩薩得不退轉以弘誓功德
 而自莊嚴於將來世當成正覺爾時三十大

千世界六種震動大光普照十方國土百千
音樂自然而作無量妙華紛紛而降佛說經
已彌勒菩薩及十方來諸菩薩眾長老阿難
諸大聲聞一切大眾聞佛所說靡不歡喜

佛說無量壽經卷下

佛說觀無量壽經

宋元嘉中罽良耶舍譯

如是我聞一時佛在王舍城耆闍崛山中與
大比丘眾千二百五十人俱菩薩三萬二千
文殊師利法王子而為上首
爾時王舍大城有一太子名阿闍世隨順調
達惡友之教收執父王頻婆娑羅幽閉置於
七重室內制諸羣臣一不得往國太夫人名

韋提希恭敬大主澡浴清淨以酥蜜和麩用塗其身諸瓔珞中盛蒲桃漿蜜以上王爾時大王食麩飲漿求水漱口漱口畢已合掌恭敬向者闍崛山遙禮世尊而作是言大目犍連是吾親友願興慈悲授我八戒時目犍連如鷹隼飛疾至王所日日如是授王八戒世尊亦遣尊者富樓那為王說法如是時間經三七日王食麩蜜得聞法故顏色和悅

時阿闍世問守門者父王今者猶存在耶時守門人白言大王國大夫人身塗麩蜜瓔珞盛漿持用上王沙門目連及富樓那從空而來為王說法不可禁制時阿闍世聞此語已怒其母曰我母是賊與賊為伴沙門惡人幻惑咒術令此惡王多日不灰即執利劍欲害其母時有一臣名曰月光聰明多智及與耆婆為王作禮白言大王臣聞毗陀論經說劫

佛說觀世音菩薩普門品經

初已來有諸惡主貪國位故殺害其父一萬
 八千未曾聞有無道害母王今為此殺逆之
 事汗利利種臣不忍聞是梅陀羅不空住此
 時二大臣說此語竟以手按劍卻行而退時
 阿闍世驚怖惶懼告者婆言汝不為我耶者
 婆白言大王慎莫害母王聞此語懺悔求救
 即便捨劍止不害母教語內官閉置深宮不
 令復出

時韋提希被幽閉已愁憂憔悴遙向耆闍崛
 山為佛作禮而作是言如來世尊在昔之時
 恆遣阿難來慰問我我今愁憂世尊威重無
 由得見願遣目連尊者阿難與我相見作是
 語已悲泣雨淚遙向佛禮未舉頭頃爾時世
 尊在耆闍崛山知韋提希心之所念即救大
 目犍連及以阿難從空而來佛從耆闍崛山
 沒於王宮出時韋提希禮已舉頭見世尊釋

迦牟尼佛身紫金色坐百寶蓮華目連侍左
 阿難在右釋梵護世諸天在虛空中普雨天
 華持用供養時韋提希見佛世尊自絕瓔珞
 舉身投地號泣向佛白言世尊我宿何罪生
 此惡子世尊復有何等因緣與提婆達多共
 為眷屬

唯願世尊為我廣說無憂惱處我當往生不
 樂閻浮提濁惡世也此濁惡處地獄餓鬼畜

生盈滿多不善聚願我未來不聞惡聲不見
 惡人今向世尊五體投地求哀懺悔唯願佛
 日教我觀於清淨業處爾時世尊放眉間光
 其光金色徧照十方無量世界還住佛頂化
 為金臺如須彌山十方諸佛淨妙國土皆於
 中現或有國土七寶合成復有國土純是蓮
 華復有國土如自在天宮復有國土如玻瓈
 鏡十方國土皆於中現有如是等無量諸佛

國土嚴顯可觀。今韋提希見時。韋提希白佛。言世尊。是諸佛土。雖復清淨。皆有光明。我今樂生極樂世界。阿彌陀佛所。唯願世尊教我。思惟教我。我正受。

爾時世尊即便微笑。有五色光從佛口出。一光照頻婆娑羅頂。爾時大王雖在幽閉。心眼無障。遙見世尊頭面。作禮自然增進。成阿那含。

爾時世尊告韋提希。汝今知不。阿彌陀佛去此不遠。汝當繫念諦觀。彼國淨業成者。我今為汝廣說。眾譬亦令未來世一切凡夫。欲修淨業者。得生西方極樂國土。欲生彼國者。當修三福。一者孝養父母。奉事師長。慈心不殺。修十善業。二者受持三歸。具足眾戒。不犯威儀。三者發菩提心。深信因果。讀誦大乘。勸進行者。如此三事。名為淨業。佛告韋提希。汝今

知不此三種業過去未來現在三世諸佛淨業正因

佛告阿難及韋提希諦聽諦聽善思念之如來今者為未來世一切眾生為煩惱賊之所害者說清淨業善哉韋提希快問此事阿難汝當受持廣為多眾宣說佛語如來今者教韋提希及未來世一切眾生觀於西方極樂世界以佛力故當得見彼清淨國土如執明

鏡自見面像見彼國土極妙樂事心歡喜故應時即得無生法忍佛告韋提希汝是凡夫心想羸劣未得天眼不能遠觀諸佛如來有異方便令汝得見時韋提希白佛言世尊如我今者以佛力故見彼國土若佛滅後諸眾生等濁惡不善五苦所逼云何當見阿彌陀佛極樂世界佛告韋提希汝及眾生成當專心繫念一處

佛說觀無量壽經

想於西方云何作想凡作想者一切衆生自
非生盲有目之徒皆見日沒當起想念正坐
西向諦觀於日令心堅住專想不移見日欲
沒狀如懸鼓既見日已閉目閉目皆令明了
是爲日想名曰初觀

次作水想見水澈清亦令明了無分散意既
見水已當起冰想想見冰映徹作瑠璃想想此想
成已見瑠璃地內外映徹下有金剛七寶金

幢擎瑠璃地其幢八方八楞具足一一方面
百寶所成一一寶珠有千光明一一光明八
萬四千色映瑠璃地如億千日不可具見瑠
璃地上以黃金繩雜廁間錯以七寶界分齊
分明一一寶中有五百色光其光如華又似
星月懸處虛空成光明臺樓閣千萬百寶合
成於臺兩邊各有百億華幢無量樂器以爲
莊嚴八種清風從光明出鼓此樂器演說苦

空無常無我之音是為本想名第二觀

此想成時一一觀之極令了了閉目開目不

令散失唯除睡時恒憶此事如此想者名為

粗見極樂國地若得三昧見彼國地了了分

明不可具說是為地想名第三觀佛告阿難

汝持佛語為未來世一切大衆欲脫苦者說

是觀地法若觀是地者除八十億劫生死之

罪捨身他世必生淨國心得無疑作是觀者

名為正觀若他觀者名為邪觀

佛告阿難及韋提希地想成已次觀寶樹觀

寶樹者一一觀之作七重行樹想一一樹高

八千由旬其諸寶樹七寶華葉無不具足一

一華葉作異寶色瑠璃色中出金色光玻瓈

色中出紅色光碼碯色中出磲磔光磲磔色

中出綠真珠光珊瑚琥珀一切衆寶以為映

飾妙真珠網彌覆樹上一一樹上有七重網

一一網間有五百億妙華宮殿如梵王宮諸
 天童子自然在中一一童子五百億釋迦毗
 楞伽摩尼寶以為瓔珞其摩尼光照百由旬
 猶如和合百億日月不可具名眾寶間錯色
 中上者此諸寶樹行行相當葉葉相次於眾
 葉間生諸妙華華上自然有七寶果一一樹
 葉縱廣正等二十五由旬其葉千色有百種
 畫如天瓔珞有眾妙華作閻浮檀金色如旋

火輪宛轉葉間涌生諸果如帝釋餅有大光
 明化成幢幡無量寶蓋是寶蓋中映現三千
 大千世界一切佛事十方佛國亦於中現見
 此樹已亦當次第一一觀之觀見樹莖枝葉
 華果皆令分明是為樹想名第四觀
 次當想水想水者極樂國土有八池水一一
 池水七寶所成其寶柔軟從如意珠王生分
 為十四支一一支作七寶色黃金為渠渠下

皆以雜色金剛以為底沙一一水中有六十
 億七寶蓮華一一蓮華團圓正等十二由旬
 其摩尼水流注華間尋樹上下其聲微妙演
 說苦空無常無我諸波羅蜜復有讚歎諸佛
 相好者如意珠王涌出金色微妙光明其光
 化為百寶色鳥和鳴哀雅常讚念佛念法念
 僧是為八功德水想名第五觀
 衆寶國土一一界上有五百億寶樓閣其樓

閣中有無量諸天作天伎樂又有樂器懸處
 虛空如天寶幢不鼓自鳴此衆音中皆說念
 佛念法念比丘僧此想成已名為粗見極樂
 世界寶樹寶地寶池是為總觀想名第六觀
 若見此者除無量億劫極重惡業命終之後
 必生彼國作是觀者名為正觀若他觀者名
 為邪觀
 佛告阿難及韋提希諦聽諦聽善思念之佛

佛說無量壽經

當為汝分別解說除苦惱法汝等憶持廣為
 大眾分別解說是語時無量壽佛住立空
 中觀世音大勢至是二大士侍立左右光明
 熾盛不可具見百千閻浮檀金色不得為比
 時韋提希見無量壽佛已接足作禮白佛言
 世尊我今因佛力故得見無量壽佛及二菩
 薩未來衆生當云何觀無量壽佛及二菩薩
 佛告韋提希欲觀彼佛者當起想念於七寶

地上作蓮華想今其蓮華一一葉作百寶色
 有八萬四千脈猶如天畫脈有八萬四千光
 了了分明皆令得見華葉小者縱廣二百五
 十由旬如是蓮華有八萬四千葉一一葉間
 各有百億摩尼珠王以為映飾一一摩尼放
 千光明其光如蓋七寶合成徧覆地上釋迦
 毗楞伽寶以為其臺此蓮華臺八萬金剛甄
 叔迦寶梵摩尼寶妙真珠網以為交飾於其

臺上自然有_レ四柱寶幢一一寶幢如_レ百千
萬億須彌山幢上寶幔如_レ夜摩末宮有_レ五百
億微妙寶珠以為_レ映飾一一寶珠有_レ八萬四
千光一一光作_レ八萬四千異種金色一一金
色徧_レ其寶土處處變化各作_レ異相或為_レ金剛
臺或作_レ真珠網或作_レ雜華雲於_レ十方面隨意
變現施作_レ佛事是為_レ華座想名_レ第七觀佛告
阿難如此妙華是本_レ法藏比丘願力所成若

欲念_レ彼佛者當_レ先作_レ此華座想作_レ此想時不
得_レ雜觀皆應_レ一一觀之一一葉一一珠一一
光一一臺一一幢皆_レ今分明如_レ於鏡中自見
面像此想成者滅除_レ五萬劫生死之罪必定
當_レ生極樂世界作_レ是觀者名為_レ正觀若他觀
者名為_レ邪觀
佛告阿難及韋提希見_レ此事已次當_レ想佛所
以者何諸佛如來是法界身入_レ一切衆生心

想中是故汝等心想佛時是心即是三十二相八十隨形好是心作佛是心是佛諸佛正徧知海從心想生是故應當一心繫念諦觀彼佛多陀阿伽度阿羅訶三藐三佛陀想彼佛者先當想像閉自開自見一寶像如閻浮檀金色坐彼華上見像坐己心眼得開了了分明見極樂國七寶莊嚴寶地寶池寶樹行列諸天寶幔彌覆其上衆寶羅網滿虛空中

見如此事極令明了如觀掌中見此事已復當更作一大蓮華在佛左邊如前蓮華等無有異復作一大蓮華在佛右邊想一觀世音菩薩像坐左華座亦放金光如前無異想一大勢至菩薩像坐右華座此想成時佛菩薩像皆放光明其光金色照諸寶樹一一樹下復有三蓮華諸蓮華上各有一佛二菩薩像徧滿彼國此想成時行者當聞水流光明及

諸寶樹鳥鴈鴛鴦皆說妙法出定入定恒聞
妙法行者所聞出定之時憶持不捨令與修
多羅合若不合者名為妄想若有合者名為
麤想見極樂世界是為像想名第八觀作是
觀者除無量億劫生死之罪於現身中得念
佛三昧
佛告阿難及韋提希此想成已次當更觀無
量壽佛身相光明阿難當知無量壽佛身如

百千萬億夜摩天閻浮檀金色佛身高六十
萬億那由他恒河沙由旬眉間白毫右旋婉
轉如五須彌山佛眼如四大海水青白分明
身諸毛孔演出光明如須彌山彼佛圓光如
百億三千大千世界於圓光中有百萬億那
由他恒河沙化佛一一化佛亦有衆多無數
化菩薩以為侍者無量壽佛有八萬四千相
一一相各有八萬四千隨形好一一好復有

八萬四千光明一一光明徧照十方世界念
 佛衆生攝取不捨其光明相好及與化佛不
 可具說但當憶想令心眼見見此事者即見
 十方一切諸佛以見諸佛故名念佛三昧作
 是觀者名觀一切佛身以觀佛身故亦見佛
 心佛心者大悲悲是以無緣慈攝諸衆生作
 此觀者捨身他世生諸佛前得無生忍是故
 智者應當繫心諦觀無量壽佛觀無量壽佛

者從一相好入但觀眉間白毫極令明了見
 眉間白毫者八萬四千相好自然當現見無
 量壽佛者即見十方無量諸佛得見無量諸
 佛故諸佛現前授記是為徧觀一切色身想
 名第九觀作此觀者名為正觀若他觀者名
 為邪觀
 佛告阿難及韋提希見無量壽佛了了分明
 已女復當觀觀世音菩薩此菩薩身長八十

佛說觀無量壽佛經疏

一七

萬億那由他由旬身紫金色頂有肉髻項有
 圓光オモテラク面各百千由旬其圓光中有五百化佛
 如釋迦牟尼佛一一化佛有五百化菩薩無
 量諸夫以為侍者舉身光中五道衆生一切
 色相皆於中現頂上毗楞伽摩尼寶以為天
 冠其天冠中有一立化佛高二十五由旬觀
 世音菩薩面如閻浮檀金色眉間毫相備七
 寶色流出八萬四千種光明一一光明有無

量無數百千化佛一一化佛無數化菩薩以
 為侍者變現自在滿十方世界譬如紅蓮華
 色有八十億光明以為瓔珞其瓔珞中普現
 一切諸莊嚴事手掌作五百億雜蓮華色手
 十指端一一指端有八萬四千畫猶如印文
 一一畫有八萬四千色一一色有八萬四千
 光其光柔軟普照一切以此寶手接引衆生
 舉足時足下有千輻輪相自然化成五百億

光明臺下足時有金剛摩尼華布散一切莫
 不彌滿其餘身相衆好具足如佛無異唯頂
 上肉髻及無見頂相不及世尊是為觀觀世
 音菩薩真實色身相名第十觀佛告阿難若
 有欲觀觀世音菩薩者當作是觀作是觀者
 不遇諸禍淨除業障除無數劫生處之罪如
 此菩薩但聞其名獲無量福何況諦觀若有
 欲觀觀世音菩薩者先觀頂上肉髻次觀天

冠其餘衆相亦次第觀之亦令明了如觀掌
 中作是觀者名為正觀若他觀者名為邪觀
 次復應觀大勢至菩薩此菩薩身量大小亦
 如觀世音圓光面各百二十五由旬照二百
 五十由旬舉身光明照十方國作紫金色有
 緣衆生皆悉得見但見此菩薩一毛孔光即
 見十方無量諸佛淨妙光明是故號此菩薩
 名無邊光以智慧光普照一切令離三塗得

無上力是故號此菩薩名大勢至此菩薩天冠有五百寶華一一寶華有五百寶臺一一臺中十方諸佛淨妙國土廣長之相皆於中現頂上肉髻如益頭摩華於肉髻上有一寶餅盛諸光明普現佛事餘諸身相如觀世音等無有異此菩薩行時十方世界一切震動當地動處有五百億寶華一一寶華莊嚴高顯如極樂世界此菩薩坐時七寶國土一時

動搖從下方金光佛刹乃至上方光明主佛刹於其中間無量塵數分身無量壽佛分身觀世音大勢至皆悉雲集極樂國土側塞空中坐蓮華座演說妙法度苦眾生作此觀者名為正觀若他觀者名為邪觀見大勢至菩薩是為觀大勢至色身相名第十一觀觀此菩薩者除無數劫阿僧祇生以之罪作是觀者不處胞胎常遊諸佛淨妙國土此觀成已

名爲具足觀觀世音大勢至
見此專時當起自心生於西方極樂世界於
蓮華中結跏趺坐作蓮華合想作蓮華開想
蓮華開時有五百色光來照身想眼目開想
見佛菩薩滿虛空中水鳥樹林及與諸佛所
出音聲皆演妙法與十二部經合出定之時
憶持不失見此事已名見無量壽佛極樂世
界是爲普觀想名第十二觀無量壽佛化身

無數與觀世音大勢至常來至此行人之所
佛告阿難及韋提希若欲至心生西方者先
當觀於一丈六像在池水上如先所說無量
壽佛身量無邊非是凡夫心力所及然彼如
來宿願力故有憶想者必得成就但想佛像
得無量福何況觀佛具足身相阿彌陀佛神
通如意於十方國變現自在或現木身滿虛
空中或現小身丈六八尺所現之形皆真金

佛說觀無量壽經

色圓光化佛及寶蓮華如上所說觀世音菩
 薩及大勢至於一切處身同衆生但觀首相
 知是觀世音知是大勢至此二菩薩助阿彌
 陀佛普化一切是為雜想觀名第十三觀
 佛告阿難及韋提希上品上生者若有衆生
 願生彼國者發三種心即便往生何等為三
 一者至誠心二者深心三者迴向發願心具
 三心者必生彼國復有三種衆生當得往生

何等為三一者慈心不殺具諸戒行二者讀
 誦大乘方等經典三者修行六念迴向發願
 願生彼國具此功德一日乃至七日即得往
 生生彼國時此人精進勇猛故阿彌陀如來
 與觀世音大勢至無數化佛百千比丘聲聞
 大衆無數諸天七寶宮殿觀世音菩薩執金
 剛臺與大勢至菩薩至行者前阿彌陀佛放
 大光明照行者身與諸菩薩授手迎接觀世

音大勢至與無數菩薩讚歎行者勸進其心
行者見已歡喜踊躍自見其身乘金剛臺隨
從佛後如彈指頃往生彼國生彼國已見佛
色身衆相具足見諸菩薩色相具足光明寶
林演說妙法聞已卽悟無生法忍經須臾間
歷事諸佛徧十方界於諸佛前次第授記還
到本國得無量百千陀羅尼門是名上品上
生者

上品中生者不必受持讀誦方等經典善解
義趣於第一義心不驚動深信因果不謗大
乘以此功德迴向願求生極樂國行此行者
命欲終時阿彌陀佛與觀世音大勢至無量
大衆眷屬圍繞持紫金臺至行者前讚言法
子汝行大乘解第一義是故我今來迎接汝
與千化佛一時授手行者自見坐紫金臺合
掌叉手讚歎諸佛如一念頃卽生彼國七寶

池中此紫金臺如大寶華經宿則開行者身
 作紫磨金色足下亦有七寶蓮華佛及菩薩
 俱時放光明照行者身目即開明因前宿習
 皆聞眾聲純說甚深第一義諦即下金臺禮
 佛合掌讚歎世尊經於七日應時即於阿耨
 多羅三藐三菩提得不退轉應時即能飛行
 徧至十方歷事諸佛於諸佛所修諸三昧經
 一小劫得無生忍現前授記是名上品中生

者

上品下生者亦信因果不謗大乘但發無上
 道心以此功德迴向願求生極樂國行者命
 欲終時阿彌陀佛及觀世音大勢至與諸眷
 屬持金蓮華化作五百化佛來迎此人五百
 化佛一時授手讚言法子汝今清淨發無上
 道心我來迎汝見此事時即自見身坐金蓮
 華坐已華合隨世尊後即得往生七寶池中

一日一夜蓮華乃開七日之中乃得見佛雖
 見佛身於眾相好心不明於三七日後乃
 了了見聞眾音聲皆演妙法遊歷十方供養
 諸佛於諸佛前聞甚深法經三小劫得百法
 明門住歡喜地是名上品下生者是名上輩
 生想名第十四觀

佛告阿難及韋提希中品上生者若有眾生
 受持五戒持八戒齋修行諸戒不造五逆無

眾過患以此善根迴向願求生於西方極樂
 世界臨命終時阿彌陀佛與諸比丘眷屬圍
 繞放金色光至其所演說苦空無常無我
 讚歎出家得離眾苦行者見己心大歡喜自
 見己身坐蓮華臺長跪合掌為佛作禮未舉
 頭頃即得往生極樂世界蓮華尋開當華敷
 時聞眾音聲讚歎四諦應時即得阿羅漢道
 三明六通具八解脫是名中品上生者

中品中生者若有衆生若一日一夜受持八
戒齋若一日一夜持沙彌戒若一日一夜持
具足戒威儀無缺以此功德迴向願求生極
樂國戒香熏修如此行者命欲終時見阿彌
陀佛與諸眷屬放金色光持七寶蓮華至行
者前行者自聞空中有聲讚言善男子如汝
善人隨順三世諸佛教故我來迎汝行者自
見坐蓮華上蓮華即合生於西方極樂世界

在寶池中經於七日蓮華乃敷華既敷已開
目合掌讚歎世尊聞法歡喜得須陀洹經半
劫已成阿羅漢是名中品中生者
中品下生者若有善男子善女人孝養父母
行世仁慈此人命欲終時遇善知識爲其廣
說阿彌陀佛國土樂事亦說法藏比丘四十
八願聞此事已尋即命終譬如壯士屈伸臂
頃即生西方極樂世界生經七日遇觀世音

及大勢至聞法歡喜經一小劫成阿羅漢是
名中品下生者是名中輩生想名第十五觀
佛告阿難及韋提希下品上生者或有衆生
作衆惡業雖不誹謗方等經典如此愚人多
造衆惡無有慚愧命欲終時遇善知識爲讚
大乘十二部經首題名字以聞如是諸經名
故除卻千劫極重惡業智者復教合掌叉手
稱南無阿彌陀佛稱佛名故除五十億劫生

死之罪爾時彼佛卽遣化佛化觀世音化大
勢至至行者前讚言善男子汝稱佛名故諸
罪消滅我來迎汝作是語已行者卽見化佛
光明徧滿其室見已歡喜卽便命終乘寶蓮
華隨化佛後生寶池中經七七日照蓮華乃敷
當華敷時大悲觀世音菩薩及大勢至放大
光明住其人前爲說甚淺十二部經聞已信
解發無上道心經十小劫具百法明門得入

初地是名下品上生者得聞佛名法名及聞
僧名聞三寶名即得往生

佛告阿難及韋提希下品中生者或有衆生

毀犯五戒八戒及具足戒如此愚人偷僧祇

物盜現前僧物不淨說法無有慚愧以諸惡

業而自莊嚴如此罪人以惡業故應墮地獄

命欲終時地獄衆火一時俱至遇善知識以

大慈悲為說阿彌陀佛十力威德廣說彼佛

光明神力亦讚戒定慧解脫解脫知見此人

聞已除八十億劫生灰之罪地獄猛火化為

清涼風吹諸天華華上皆有化佛菩薩迎接

此人如一念頃即得往生七寶池中蓮華之

內經於六劫蓮華乃敷當華敷時觀世音大

勢至以梵音聲安慰彼人為說大乘甚深經

典聞此法已應時即發無上道心是名下品

中生者

佛告阿難及韋提希下品下生者或有衆生
作不善業五逆十惡具諸不善如此愚人
以惡業故應墮惡道經歷多劫受苦無窮如此
愚人臨命終時遇善知識種種安慰爲說妙
法教令念佛此人苦逼不遑念佛善友告言
汝若不能念者應稱無量壽佛如是至心令
聲不絕具足十念稱南無阿彌陀佛稱佛名
故於念念中除八十億劫生死之罪命終之

時見金蓮華猶如日輪住其人前如一念頃
卽得往生極樂世界於蓮華中滿十二大劫
蓮華方開觀世音大勢至以大悲音聲爲其
廣說諸法實相除滅罪法聞已歡喜應時卽
發菩提之心是名下品下生者是名下輩生
想名第十六觀

說是語時韋提希與五百侍女聞佛所說應
時卽見極樂世界廣長之相得見佛身及二

佛說觀世音菩薩普門品
菩薩心生歡喜歎未曾有廓然大悟得無生
忍五百侍女發阿耨多羅三藐三菩提心願
生彼國世尊悉記皆當往生彼國已得諸
佛現前三昧無量諸天發無上道心
爾時阿難即從座起前白佛言世尊當何名
此經此法之要當云何受持佛告阿難此經
名觀極樂國土無量壽佛觀世音菩薩大勢
至菩薩亦名淨除業障生諸佛前汝當受持

無今忘失行此三昧者現身得見無量壽佛
及二木士若善男子善女人但聞佛名二菩
薩名除無量劫生灰之罪何況憶念若念佛
者當知此人是人中分陀利華觀世音菩薩
大勢至菩薩為其勝友當坐道場生諸佛家
佛告阿難汝好持是語持是語者即是持無
量壽佛名佛說此語時尊者目犍連阿難及
韋提希等聞佛所說皆大歡喜

爾時世尊足步虛空還者闍崛山爾時阿難
廣為大衆說如上事無量諸夫及龍夜叉聞
佛所說皆大歡喜禮佛而退

佛說觀無量壽經

佛說阿彌陀經

姚秦三藏法師鳩摩羅什奉詔譯

如是我聞一時佛在舍衛國祇樹給孤獨園
與大比丘衆千二百五十人俱皆是大阿羅
漢衆所知識長老舍利弗摩訶目犍連摩訶
迦葉摩訶迦旃延摩訶俱絺羅離婆多周利
槃陀伽難陀阿難陀羅睺羅憍梵波提賓頭
盧頗羅墮迦留陀夷摩訶劫賓那薄拘羅阿

崑樓馱如是等諸大弟子并諸菩薩摩訶薩
文殊師利法王子阿逸多菩薩乾陀訶提菩
薩常精進菩薩與如是等諸大菩薩及釋提
桓因等無量諸天大眾俱

爾時佛告長老舍利弗從是西方過十萬億
佛土有世界名曰極樂其土有佛號阿彌陀
今現在說法舍利弗彼土何故名為極樂其
國衆生無有衆苦但受諸樂故名極樂

又舍利弗極樂國土七重欄楯七重羅網七
重行樹皆是四寶周匝圍繞是故彼國名曰
極樂

又舍利弗極樂國土有七寶池八功德水充
滿其中池底純以金沙布地四邊階道金銀
瑠璃玻瓈合成上有樓閣亦以金銀瑠璃玻
瓈磤磤赤珠碼碯而嚴飾之池中蓮華大如
車輪青色青光黃色黃光赤色赤光白色白

佛言阿彌陀佛
光微妙香潔舍利弗極樂國土成就如是功德莊嚴

又舍利弗彼佛國土常作天樂黃金爲地晝夜六時而雨曼陀羅華其國衆生常以清旦各以衣祴盛衆妙華供養他方十萬億佛卽以食時還到本國飲食經行舍利弗極樂國土成就如是功德莊嚴
復次舍利弗彼國常有種種奇妙雜色之鳥

白鵝孔雀鸚鵡舍利迦陵頻伽其命之鳥是諸衆鳥晝夜六時出和雅音其音演暢五根五力七菩提分八聖道分如是等法其土衆生聞是音已皆悉念佛念法念僧舍利弗汝勿謂此鳥實是罪報所生所以者何彼佛國土無三惡趣舍利弗其佛國土尚無三惡道之名何況有實是諸衆鳥皆是阿彌陀佛欲令法音宣流變化所作舍利弗彼佛國土微